

開原縣志

庚午李毅

城池公廨

文明日進人事亦因之日增故無論在官在民凡屬公共組織者莫不有指定之地點以資集合此正建設時代所當注意者也開原自遼金以及明清城池官署街巷公地增移撤廢代有不同而文化之盛衰人才之多寡政教之敷施團體之組合皆可於此覘消息焉不爲之記載何以資異日之考查耶

城池

開原舊城金爲咸平府元爲開元路明洪武二十二年設三萬衛二十五年設遼海衛因舊土城之東改建磚城高三丈五尺周圍十三里二十步門四東曰陽和西曰慶雲南曰迎恩北曰安遠角樓四鐘樓建四圍之中城外池深一丈闊四丈週圍二十三里二十步清乾隆二十六年興修據上所云似從前無舊城遺址至四十三年秋清帝東幸命吏部尙書邁拉遜工部侍郎德成會同盛京府尹勘斟酌估計修理開原城公費銀十一萬四千五百兩有奇拆建重修經城守尉六十七知縣明亮董成其事至四十七年告竣新城

週圍丈尺仍依舊制按金人王寂遼東行部志叙其按部至咸平府曾在西山崇壽寺賦詩記游西山又名紫霞山崇壽寺又名石塔寺考今開原城內有石塔寺在城西南隅紫霞山即俗稱黃龍岡者在城北而城東北有教軍場花園等屯遼東志亦謂開原故址在城東北隅似有緣索可尋由此推之故城應在山之東今縣城之東北故當日亦稱紫霞山爲西山但查明人全遼志所載洪武間相繼設三萬衛遼海衛於開原永樂間置自在與安樂州二州其城池皆仍黃龍府舊址城北有教軍場距城一里初無舊城在東北之說清盛京通志則謂因舊土城之東甃築西隅之遺址猶存似舊城又在今縣城西詢之故老咸謂西門外之遺址爲縣舊城之西女牆因清河由故道勢向北趨城西南隅受其冲刷之患不容不移而東縮故西一面之牆磚較他面之磚稍小可爲重修之證城內之西大街亦較南北東三大街爲短可爲女牆東移之證惟年月不可考耳意或元時之舊城在東北而明與清之設置興修移向東南歟其城之四週距中心先本遠近皆同後以清河之故獨縮短城之西面所云重修仍依舊制者或在清河未從之先而清河徙後西

北胡同舊名「城守尉衙門胡同」第四曰七聖祠胡同第五曰增福廟胡同亦曰後營子南胡同西大街路南有小巷二曰公安局南胡同城隍廟南胡同路北有小巷一曰財神廟胡同南大街路東有小巷四以通東西第一曰籍家胡同第二曰六社胡同第三曰火神廟胡同第四毛曰家胡同路西有小巷三第一曰關帝廟胡同第二曰塔子胡同第三曰四眼井胡同北大街路東有小巷五第一曰縣署胡同第二曰縣署後胡同第三曰周家胡同第四曰團井胡同第五曰崔家胡同路西有小巷四第一曰老菜市胡同第二曰教養工廠胡同第三曰旗倉胡同第四曰康家胡同

市

糧集市在南街路東第一胡同東南

菜市舊在北街路西第一胡同今移於東街路北第二胡同故別名舊址曰老菜市而名新移之地曰新菜市

瓜果市在東街路北第二胡同農會院牆後即新菜市之東胡同也

牆縮短留有遺址在西故後人疑城在西歟其牆外磚石內土牛高二丈四尺有餘角台三無樓礮台二十有四門甕四門台四建門樓門名仍舊設水門二一在西一在南城街中向有之鐘樓業就傾圮僅存遺址經城守尉六十七知縣明亮於乾隆四十七年率同旗民商賈捐資重建迨道光三年知縣福謙又將全城修葺一次四年竣工近年東南及南面尙整齊無缺餘皆日見傾圮矣修理之責惟望將來

查全遼志所載草圖開原城南一面有帽城今遺蹟雖不可考以意推之或因清北河徙故廢之歟姑存其說以備考古之參證焉

街巷

縣城分東西南北四大街作十字形以鐘樓爲中心商號則東街爲最盛南街次之西街又次之北街爲最少民戶則東半城爲最多西半城次之學校則西半城僅二處餘皆在東半城東大街路南有小巷三以通南北第一曰糧集市胡同第二曰柴草市胡同第三曰燒鍋南胡同路北有小巷五第一曰縣署南胡同第二曰新菜市胡同第三曰柴草市

肉市與菜市合一

柴草市在東街路南教育局後牆外

工夫市舊在北大街第三小學校門前今移於菜市北面

牲畜市今與柴草市合一

公廨

縣署舊制

開原設治始於清康熙三年其初尙無公署首任知縣何金序下車之初借石塔寺爲寓所次年乃購地於鐘樓北路東建置公署然不過僅具雛形而已迨後乾隆時間知縣明亮道光時知縣三神保同治時知縣楊桂年光緒時知縣魏樾陶應潤累次增修規模始稍完備彼時官廳之制有吏戶禮兵刑工倉七房馬壯捕三班計修置照壁一座大門三間大門東爲壯班住宿處佔屋三間又東爲馬班住宿處佔屋三間迤北有衙神廟魁星樓各一座大門西爲捕班住宿處佔屋四間又西爲女封佔屋二間大門以內儀門三間儀門裏東廂爲吏戶禮三科共佔屋十間西廂爲兵刑工三科佔屋十間正中大堂三間迤東倉房佔屋三間大堂迤西北幕賓辦公室佔六間大堂後二堂三間東廂回事處佔三間西廂待客廳佔三間二堂後爲內宅正房五間東西廂各三間監獄五間在西南隅仙人堂一座在西北隅別設東院以安置廚房馬號焉

縣署新制

縣署地基面積九百八十五方丈民國二年經縣知事金正元任內大興土木將全署房屋翻蓋一新有碑可考惟照壁一座仍舊大門三間東一間爲寫狀室西一間爲傳達室大門東內外監房共十三間看守長辦公室二間大門西正房四間爲警察步隊駐所二門三間東一間法警宿舍西一間爲法警辦公室二門內東西廂各七間東廂南一間爲監獄講堂中二間爲稅契處北四間爲田賦征收櫃西廂南四間爲登記所北三間爲承發吏辦公室東廂後迤南正房六間東三間爲電話局西三間作第二科宿舍後三間作法官宿舍大堂三間東間檢察庭西間審判庭大堂後東西廂各三間東廂南間爲第一科北間爲科長辦公室西廂南間爲收發處北間爲收支處東廂後跨院迤南正房三間並後廈三間均財政局佔用西廂後跨院迤南正房五間爲司法科辦公處迤北三間爲法官宿舍二堂三間東間監督辦公室西間待客廳二堂東跨院正房三間爲科長宿舍二堂後即內宅正房五間東西廂各三間內宅後東北隅正房五間爲游擊馬隊駐所

城守尉舊署

樓東大街路北第三胡同東未詳其建置年月初止有堂房二十一間嗣因迭次增修至三十四間光緒二十六年拳匪肇禍俄人佔踞和約成後中國學制變更三十四年經城守尉奎明創立八旗學堂遂將全署借與佔用作講堂宿舍自是公署變爲學校矣

典史舊署

清康熙六年知縣何金序自塔子胡同移典史公署於大街路北計堂房十八間乾隆中葉典史雷從雲增建二堂三間嘉慶時典史高涵又修書房三間共增房二十四間至民國二年典史缺裁撤而警察署已先數年而成立尙無固定地點乃以其地爲警察事務所民國十八年又改名爲公安局

儒學舊署

開原學官之設在清康熙二十三年而儒學公署乃成立於乾隆三十一年先是東街有義學基址經知縣多隆額訓導丁龍章因之以改建計堂房共十一間光緒五年知縣魏

樾訓導李雲另建學署於文廟西共堂房二十間而以舊學署設龍岡書院至三十二年變更學制知縣楊穀成乃借明倫堂爲傳習所講堂以科房爲勸學所民國元年學官裁撤而縣立中學正值擴充乃皆改爲學生宿舍

旗倉

清康熙三十一年建在北街路西第三胡同始僅廣盈滿字厰十間成福字厰十間後於乾隆三十一年又建慶字厰五間咸豐初年添建隆字圓倉六座光緒季年僅存厰二座辦事處瓦房九間而已民國五年由官家拍賣

民倉

清康熙二十一年建在北街路西第一胡同始自知縣周志煥創建三間此後陸續增建至四十三年共有倉一百零九間乾隆時經知縣多隆額德克精額明亮拆毀舊倉七十間改修厰一百零四間尙存倉六十二間嘉慶二十二年咸豐元年前後經知縣札興阿三神保兩次重修僅餘倉二十一間至光緒初年餘倉已盡傾圮後改爲菜市場現菜

市又移東街此地仍闢曠矣

檢察庭

附設於縣公署內

財政局

舊爲公款局現改爲財政局仍附設縣公署內

電話局

附設於縣公署內東院

游擊馬隊

附設於縣公署東北院內

稅捐徵收局

在南街路西第二胡同南烟酒稅捐局附內賃市房

水利局

東大街路北第五胡同東舊增福廟院內

清丈收價處

南大街路西第一胡同南貨市房

教養工廠

北大街路西第二胡同舊爲消防隊駐所今移消防隊於西巷內而置教養工廠於此

礮礮局

在糧集市路西貨市房

郵政局

在東大街路北第一胡同西

客軍駐防所

舊在西街路北舊合益泉燒鍋院內今已調赴他處

公安局

在大街路北係由舊典史衙門改建院內正房三間爲局長科員辦公室門房五間中開門洞西一間爲傳達室東三間爲拘留所靠西藥庫一間大門內東廂三間一區區官住室西三間衛生股住室後院正房七間爲戶口辦公賬房等室西廂爲儲藏及廚房等室

公安各區分所

九區一分所在東大街路北第三胡同東係舊城守尉署西門房改建

九區一分所在東門裏南係舊鑲白旗門堆房改建

九區二分所在南街路東係舊正藍旗腰堆房改建

九區二分所在南門裏路西係舊鑲藍旗門堆房改建

九區三分所在西門裏路北係舊正紅旗門堆房改建派出所附內

九區四分所在北街路東係舊鑲黃旗腰堆房改建

九區四分所派出所在北門裏路西係舊正黃旗門堆房改建

一區分局駐所在城東尙陽堡

二區分局駐所在城東八棵樹

三區分局駐所在城東馬市堡

四區分局駐所在城南小孫家台

五區分局駐所在城西慶雲堡

六區分局駐所在城西北馬千總台

七區分局駐所在城東南松山堡

八區分局駐所在城東南下肥地

教育局 圖書館附

在東街柴草市北建於民國四年舊爲圖書館佔用十年移教育公所於此北向一門面積約千餘方尺院內共屋十三間前一行七間中間爲穿間門東一間爲圖書館遞西二間爲閱報室西三間爲辦公室後一行六間東一間爲局長室遞西一間爲夫役室又西一間爲招待室又西二間事務員宿舍又西一間爲廚室